

QVAESTIO
 NON MINVS PVLCHRA,
 QVAM VTILIS
 DE SARZAEPARILLAE,
 ET LIGNI SANCTI
 VIRIBVS,

*Habita à D. HIERONYMO MINETTO
 Aretino, in Senensi Academia
 Anatomico,
 Cum D. LIVONIO RECTORIO,
 in eadem Academia Theoricam
 Profitente.*



SE N I S,
 Apud Lucam Bonettum. MDXCIII.
Superiorum permissu.

QUESTIO

NON MINUS PULCHRA,
QUAM VITIS

DESARZEPARILLAE

ET LIGNI SANCTI

VIRIBUS,

Abbas S. T. Hieronymus, Sacerdos

Monasterii in Synagoga, & in

ecclesia, & in domo

S. Hieronymi, & in

ecclesia S. Hieronymi, & in

ecclesia S. Hieronymi

1555

1555

SENIOR

Abbas S. T. Hieronymus, Sacerdos

Monasterii in Synagoga, & in

I L L V S T R I ³
ATQVE ADMODVM R. P.
D. PIO NVTO
EX FAMILIA OLIVETANA.



*VM perdifficile semper fuit,
Reuer. admodum Pater, Na-
tura secreta rimari, tum sim-
plicium medicamentorum vires
persequi, parum vel certum,
vel tutum. Non mirum igitur, si Medi-
corum industria in eam cognitionem incumbit,
per quam hominum saluti precipue consulitur.
Inde factum, ut elapsis diebus, inter me, &
D. Liuonium Rectorium circa SarZeparilla,
ac Ligni Indici vires altercatio coorta sit.
Quam, literis mandatam, quod & medica-
menta communia examinat, eaque ex occiduus
regionibus, & habet aliquid incunditatis, per
typos edere consilium fuit, & tibi, qua tua est
benignitas, nostri amantissimo commendare.
Quamquam enim grauissimis, iisque assiduus
curis distineris, tum publicis, tum priuatis;*

amicissimi tamen quid quid est hoc munusculi
 percurrere non aspernaberis, & à parum equis
 iudicibus tutabere: qui tot annos, tanta cum
 laude, Illustrissima istius Congregationis molem
 sustinuisti, adificia extruxisti, monstra subinde
 nascentia peremisti; gratus demum summis,
 ut infimis fuisti. Vale, meque, ut facis,
 ama, & DEVS Optimus Maximus longa-
 uam tibi felicitatem concedat. Datum Senis
 tertio nonas Februarij. 1593.

Hieronimus Minettus Aretinus.

EXCELLENTI D. HIERONYMO

MINETTO,

LIVONIVS. RECTORIVS. S. D.



VDIVI sapius à quibusdam sapientibus viris (extant enim in hac Civitate nostra quamplurimi, & pleriq; ipsorum studiosissimi) de Paradoxa quadam, atq; à veritate aliena ad artem Medicam spectatâ pronunciare, atq; aliorum gesta reprehendere, quod cum mecum idem experiri tētaueris, omissis quibusdam alijs, de quibus differendum in prasentia non mihi videtur, confirmare ausus fuisti Salsam Pariliam, esse magis calidam, quam Lignum Guaicum; Pratermitto nunc tuum dicendi, ac differendi modum quem sanè admirantur omnes, & eò magis, quia te unicum contra tantos celebres Scriptores, pugnam sumere, audere intelligunt. Ipse enim fateor à quocunq; Doctore recte & rationabiliter scribente doceri posse, at rationibus firmis Demonstratiuis, Phisicisq; adherere semper magis, & unquam in auctoritate unius viri tantum, et si percelebris, persistam, eiusdemq; sententiam temere enunciabo. Sed ad id quod magis urget accedamus.

Legi multos de Ligni natura & Salsæ peragentes, at Dubitantem, aut quid sit eorum calidius in litem vertentem, reperi neminem; & quoniam doctissimorum Interpretum auctoritates, te non urgent, infinita enim prope modum essent, rationibus insistemus, & ea breuitate

qua poterimus, potiores explicabimus, ut cognoscas tandem, quantum aberres, & quam minimam operam scriptis, ac doctrinis celeberrimorum virorum dederis, tu ipse animaduertas.

Notum est, quod Medicina non dicitur calida, aut frigida, nisi quia talem qualitatem potest in corpore nostro imprimere, ut docuit Galenus sparsim in lib: de simplic: Quae facultates ratione venanda sunt, & hac ab operationibus originem ducunt, & operatio experimentum facit, unde velis nolis, experimento tanquam effectui a causa prouenienti, credendum.

Medicina igitur, quae procedit calefaciendo, & caliditatem semper addit, calida est, At sumamus ligni, & Salsa decoctum, & in ore detineamus, nulli dubium, quod magis percipiemus caliditatem illius, quam huius: Immo in gutture remanet, & sentitur caliditas, & inflammatio maior ex ligno, sic arguunt Practicantes.

Præterea lauentur ulcera, aut pars aliqua morbosa, aut sana ex viroq; decocto, omnes fatebuntur, se percipere caliditatem notabilem magis ex ligni aqua, quam salse.

Addo, quod secunda seu accidentales qualitates idem arguunt, nam sapor, & odor, sunt signa quibus speculatiui, & Medici Philosophi in cognitionem veniunt primarum qualitatum, sic docebat Gal: sec. de simplic: cap. 4. nec non Arist: sec. de Anima odorem acutiorum, & potentiorum, percipimus magis ex ligni decoctione, quam salse, quod sensu ipso effuzi non potest.

Sapor præterea est amarior ligni, ergo calidior, consequens valet, eo quod amarum sit (Galeno teste 4. de sim-

plie: cap. 9.) à caloris excessu. Insuper est acris magis, ac mordax, ergo calidior; Palatum enim stimulat, ulceratq; vellicat, ut omnes scribunt Doctores, & experientia ipsa docet.

Adiungitur esse calidius lignum, tum extensius, tum intensius; primo modo iam patuit, secundo patebit, & ratio est, quia lignum est pinguedine preditum, unde ob hanc causam, calor magis perdurat, & agit; & hac forsitam ratione, magis diureticum esse, confirmant multi sapientes Medici.

Argumento etiam esse potest, Salsam esse frigidiorē, quia Practicantes de imbecillitate ventriculi orta à frigidityte, consulentes, imperant Salsa potum vitandum, quia ob frigiditatem obesse potest, sic testabatur Tomitanus Philosophus & Medicus Excellentissimus: Unde lignum e contra ventriculi imbecillitati conducere quam plurimum, experimento ipso testabatur Fallopius lib: de Morbo Gallico, cap. 4.

Et Moderni omnes de morbis frigidis pertractantes, consulunt, tutius & rationabilius fere vii ligni decocto, quam salsa.

At posteaquam calidum magis omnes, seu pleriq; faterentur, & subministrant, querendum est, an hoc tantum arte fiat, an sola opinione; Si arte, ergo iudicio simul, seu ratione, aut experientia; Si opinione sola, ignorantiam afferret; Ars enim & experientia certitudinem gignunt; Non erit igitur experientia nuda, aut opinionis inuentio, quia esset non securus experiendi modus, periculosus, ac difficilis. Fure igitur, & non ab re experimento

confirmatur, calidiores effectus ligni decoctum parere, quam salsa.

Et si dubitare possis; quia lues Gallica aliquando magis castigatur à salsa; Citius caliditatis notas producit; Respondemus dicentes, quod qui sic dubitant, ignorare videntur Salsa & ligni vires; Nam id euenit, quoniam luis caliditatem salsa corrigit, & castigat; lignum verò, augendo potius caliditatem, noxam infert, ut experimento colligi potest, in Muliere illa, quæ à te curabatur; Ratione vero siccitatis magis iuuat quam lignum, & hac de causa tenuissimum est medicamentum, & adstrictionis non particeps; propter quam tenuitatem (sic respondetur ad alteram argumenti partem) ob quam anteponitur Guaiaco, citius apparet caliditatis operatio, si quæ est, & talis sit concedenda. Eademq; ratione salsa facultas (ut scribunt doctissime quidam ex Modernis) valet magis contra eum morbum Gallicum, qui mitior est, & aut inceperit, aut declinarit.

Hæc; sunt, quæ breuissimo temporis spacio, & currenti calamo (et si priuatis nunc, & publicis lectionibus detentus, scribere potui, pro rei veritate, & destructione Paradoxi; Solutiones nunc argumentorum quamprimum expecto, & si quas habes rationes, & authoritates, in medium adducere ne dedigneris, dummodo fideliter à te & non falso (ut in casu de vini potus administratione, secundum multorum sententias, varias omnes) adducantur. Datum Senis die tertia Januarij. 1593.



VM veritatis noscendæ omnibus hominibus natura inditum sit desiderium; vix tamen attingere datum est paucis, quamquam enim eius initium maxime simplex est, & natura clarissimum, atq; apertissimum; multiplici tamen prodeuntium compage inuoluitur, vt externa potius, quam interna pateat. Hinc est, quod multarum rerum elementa, quæ præcipuè ad medicæ facultatis vsum impendantur, non mirum est, si omnibus Medicis cognoscere non licebit, sed râtum quibusdam, ac magis rationalibus, qui scriptis clarissimorum virorum per multas lucubrationes, ac longam exercitationem operam dederint, quod significauit Hipp. pri. Aph. pri. Vita brevis, & quæ sequuntur. Nec modo consilium meum est tua contumeliosa verba repellere, quæ, absque ratione illata regredientur, vnde egressa sunt, & ipsa veritas magis elucescet. Illud ægrefero, quod omnes mea de causa admirantur, cum nemini paradoxum à veritate alienum, ac medicæ artis professore indignum pronūciasse reperiam: sed cum sapientibus tantum quibusdam, Sarsaparillam paulo calidiorem, ac minus siccam esse, quam lignum guaiacum pronūciarim, quod tecū prius in casu Mulieris, de qua mentionem facis, experiri tentavi, quibus non aliorum gesta reprehendi; sed Autorem approbatissimū laudaui, ac multas etiā rationes ipsis in medium adduxi, qui verò vno ore

tuam potius sententiam in hoc confirmarunt, sic indecentia in principio à te posita, in fine falsissima patebunt; & tunc temporis, velis nolis, scriptis, ac doctrinis grauissimorum virorum tatum me operam dedisse, quibus condigna erit fides, & non alijs confirmandum erit, quos profectò vel maxime honoro, & quibus à nobis adhibendæ sunt gratiæ, cum inuenta nobis tradiderint, & iter facilius commostrauerint. Si enim Empedocles, Anaxagoras, & Plato non fuissent, ac tandem Aristoteles in rebus naturalibus; Hippocrates, Galenus, Aetius, Paulus, & Trallianus in facultate medica; quid nobis esset? Ego verò in hoc, etiamque in alijs DEVM Optimum Maximum precor, vt me ab huiusmodi erroribus præcaueat, & suo lumine, quo solet humanas mentes illustrare in sinceram dirigat veritatem. Damnabunt forte tecum multi hoc institutum, quod temerarium videatur, putare me videre, quod oculatissimi illi non viderunt, & hac ratione, solent enim eos reprehendere, quicumque noui aliquid afferunt, tamquam paradoxa loquentes, vt à te positum est in questione: Atamen, quod à me visum fuit, ex oculis D. Andreæ Cæsalpini, Præceptoris mei sapientissimi vidi, & audiui, vt lib. i. quæst. med. 4. & i. med. facult. 3. & x. & 5. Hist. Plant. 27. qui profectò nemini est secundus, vt Ioan. Mong. Ioan. Costeus in cap. de aniso apud Auic. de gloria ipsius, & Petri Andreæ Matthioli mentionem fecerunt. Sed ad soluendas rationes positas me conuerto.

A Vithores multos de SarZaparilla, ac Ligni Indici
 natura peragentes, te. perlegisse asseueras; at quid
 si eorum calidius in litem vertentem inuenisse ne-
 minem; et si te autoritates. Doctissimorum non urgeant,
 propemodum infinitæ essent, rationibus insistemus potio-
 ribus. Quorum Authorum, vel autoritatum non
 solum loca, nomina, cognomina delidero ex tuis li-
 teris, verum nec etiam patriam reperio, & sic aut
 nullum, vel non omnes legisti. Tuas igitur rationes
 forte inanes omnes esse, vt tandem cognoscas, &
 quantum tecum, qui in hac reperiuntur sententia ce-
 cutiant. Accipe, fundamentum tuum est Sarzapa-
 rillam frigidiorē, ac magis siccam esse ipso Ligno
 sancto, & hoc probare niteris rationibus pluribus,
 autoritatibus, experimentis, ac exemplis, experi-
 mentum circa sensum gustus & tactus, ex odore, &
 sapore, ac exemplum in ventriculi imbecillitate:
 quia per hæc nobis venandæ medicamentorum vires.
 Antea quam difficultates soluatur, præscire oportet;
 quod tam medicamenta simplicia, quam composita,
 ex partibus similaribus, ac dissimilaribus conflantur,
 quemadmodum & ipsa animantia; non solum igitur
 Medicum philosophum similaria cognoscere, verum
 etiam & dissimilaria, interna, & externa est opus; alio-
 quin medicamentorum vires non ritè inueniuntur,
 nec etiam eorum facultates optime à medicis submi-
 nistrantur. Inde notum est, quod communis vsus,
 & ordo cognitionis virium medicamentorum ex co-
 lore, & sapore sumitur, vt 2. simp. 4. & 4. simp. 23.

& Arist. de sen. & sen. 4. non autem 2. de anim. vt as-
feris: Verum autem odor, & color sæpissime nobis in-
certam afferunt veritatem: quoniam non æque eua-
porantur partes, vt patet ex Arist. & Gal. loco citato.
Reliquum est, vt ex sapore magis medicamentorum
complexiones inuestigentur, quamuis ex sapore etiã
congruam veritatem non habemus, & hoc non ex sui
natura, at ex plantarum mixtione, si Gal. credimus
4. simp. vlt. & Andræ Cæsalpino, vt etiã patet ex-
perientia, cui non est contradicendum: ob hanc cau-
sam non solum saporem in plantis, verum etiam om-
nium mixtionem perpendere decet. Istis igitur co-
gnitis tunc summus philosophus, atque exercitatissi-
mus Medicus dicitur.

*Pharmacum igitur, quod sui natura calidum, & pro-
cedit calefaciendo, semper sit calidum, & in corpora suas
inferat qualitates: vel per se, vel per accidens sit, à
nobis non negatur, nec quod ligni vires, non prædi-
tæ sint calida, ac sicca temperie, vt non nulli affirma-
runt, qui à Fallopio in lib. de morb. gall. rationabili-
ter reprehenduntur, à quibus ipse quoque maxime
dissentio: Sed quod experimentum in sensu gustus, ac
tactus, detinens in ore, & ulcera. abluens ex viroque de-
cocto, necessitate sequatur, quod ligni temperies sit, ac
redditur calidior. Hoc negamus: quoniam et si ca-
lidity magis in gutture perlistere videtur, ac percipi-
tur, non verè caliditas est, sed quædam parua mor-
dicatio, vel potius irritatio, quæ non necessitate pro-
bat, ligni temperiem esse natura magis calidam, quã*

Sarzæparillæ: quia illa irritatio non est ratione complexionis calidæ tātum existentis in ligno; sed ob siccitatem, ac terreitratem cum euidenti astringitione exoritur, quibus omnibus ligni natura construitur: quod etiam experimēto comprobatur in multis medicamentorum generibus, quæ vlcera mordicant, ac vellicant sua siccitate, ac abstringenti terreitrate, & in quibusdam etiam vlcera conglutinant; & hæc omnia non solum ex caliditate, sed ex dictis. Addi etiam potest, quod, si partes morbosæ, ac vlcerosæ ex piperis, zimziberisque coctione abluantur, quorum caliditas ferè in summo ordine reperitur, minus autem partes incalescunt, hac coctione, minus vlcera vellicantur, quam ligni coctione, si diutius vlcera ex vtroque decocto abluantur, ex muria etiam, & sale magis vlcera vellicantur ob iam dictas rationes; attamen caliditas minus in salso, quam in amaro, & acri sapore reperitur, vt patet 4. simp.

Circa rationes ex sapore, ac odore: diximus supra, quòd secundæ qualitates sunt primarum qualitatum signa, ex Arist. & Gal. loco citato: At quod odor magis ex ligni decocto, quam Sarzæ percipitur sensu ipso effugi non potest. Ratio est, quia in materia magis tenui reperitur, quàm in Sarzæ substantia, quæ est glutinosa magis, & non æque partes euaporantur, vt ligni partes. Sic ex odore in certam medicamentorum naturam, ac virtutem habemus, authore Arist. de sen. & sen. 4. & 4. simp. 23. inquit Galenus, quæ odore carent, crassam, ac glutinosam essentiam obtinent,

cæterum, quæ sit in eorum calore, vel frigore natura, non dum verè constat; hac de causa omnium mixtiones sunt admodum noscendæ, & hoc modo nō contingunt errores in ratione, vt Andreas Cæsalpinus ex Gal. *Insuper sapor est amarior ligni, quam Sarza: igitur calidior, teste Gal. 4. simp. 9. ab excessu caloris oritur:* nisi simpliciter absque alia admixtione accipiatur, non sequitur calidior, quoniam non semper veram ac certam ex necessitate maiorem calorem nunciat sapor amarus, & præcipue qui in ligno continetur, cū non sit ex multa amaritudine; vt in Abrotano, quæ in tertio ordine continetur in caliditate ratione saporis, vt 4. simp. sed parua ligni amaritudo, quæ cum multa admixtione reperitur, ab hac eius caliditas cōtemperatur, vt experimēto colligi potest in multis medicamētis, quæ sunt magis amara, & tamen nō solum non sunt calida, sed sunt frigida, vt opium, cicoreum, semina citri, & rosa, de qua est exemplum apud Gal. 4. simp. ult. & hoc insequi ob mixtionem oportet. amaritudo etiam, quæ in absinthio ad gradum tertium accedere sua caliditate deberet; attamen ob ponticitatem, ac abstringentiam, eius temperies calida non reperitur, nisi in primo ordine siccaq; in tertio, authore Gal. 6. simp. cap. de Absinthio, insuper & cæparum sapor, ratione suæ acredinis, in quarto gradu esse monstrat; & nihilominus ob eius humiditatis admixtionem ad summum ordinē caliditatis non accedit. Sed quid ad probandum, quòd sapor amarus non semper est necesse ad confir-

mandum calidiorem esse quæramus? quod apertissime exemplo, atque experimento colligi potest in ipsa Sarzaparilla; quæ absque dubio calida siccatq; est, vt omnes sentiunt; Verumtamen eius sapor insipidus est, qui apertissime frigidam complexionem ostendit, si Gal. credimus 4. simp. tamen à Petro Andrea Matthiolio, & ab omnibus Scriptoribus, calidam, ac siccam esse, dicendum est: igitur non semper amaro sapore nobis medicamentorum virtus vere manifestatur, & eorum complexio; & idem ad saporem acrem est dicendum, qui non semper *ulcera vellicat, vt scribis ex omnium Autorum mente*, vt manifestum est in quorundam acrium coctione, vt pulegij, thymi, epithymi &c. tamen in summo ferè gradu sui caloris consistunt; non mordicant verò, quia non sunt terrestri substantia prædita; *ad rationem verò ligni esse extensiuæ calidius, & intensiuæ ob eius pinguedinem; unde magis diureticum esse, ac calidum*: superius ex dictis satis à nobis probatum est, quod non sit magis calidum.

Præterea, dum quæris probare, Sarzaparillam frigidiorē, ac sicciorem guaiacco esse, & rationem non inuenis, non admodum miror, cum Sarzæ naturam, atque ipsius complexionem non intelligas, & per consequens verba Excellentissimi Thomitani, & Fallopij non percipias, *qui in ventriculi imbecillitate, à frigido orta, rationabiliter imperant, Sarzæ decoctum vitandum, consulentes autem ligni decoctum sumere, quòd ventriculi imbecillitatem quam plurimum iuuare queat, vt quotidiana experientia docet. ratio igitur*

tur est, quòd isti grauiissimi Viri Sarzæ decoctum non prohibent, & obesse potest ob ipsius frigiditatem in tali affectu, vt à te dictū est, quia error esset in sensu in ratione & in experimento, sed Sarzæ decoctū ab ipsis vitandum; quia Sarza astringentis est expers, qua abstringentia indigent membra coctioni dicata, & præcipue ventriculus, qua abstringentia lignum guaiacū est maxime præditum, & ad eius decoctum in hoc casu se conferant, & verba à te posita *Ob Sarzæ frigiditatem ob esse potest*, non sunt, nec esse possunt verba Thomitani viri grauiissimi, vnde, vno inconuenienti dato alia contingere videntur.

Ad id, quod affers Recentiores omnes in morbis frigidis, tutius, ac rationabilius ligni decoctum magis, quam Sarzæ sumere imperare, & hac causa omnes magis calidum esse fateri, ac subministrare, atque ob id quarendum esse, an hoc arte fiat, vel sola opinione, si arte, ratione simul, ac experimento; si opinione, ignorantiam afferret. Ad hoc respondendum, quod Authores in morbis frigidis non ligni decoctum subministrant, eo quia sit magis calidum, quam sarzæ: sed cum sit semper ferè in talibus coniuncta materia glutinosa, humida, crassa, tenax, ac viscida, & in ligni decocto sit cum multa siccitate tenuium partium, conuenit in talibus hoc magis, quam sarzæ decoctum, vt contrarium, vt in Epilepsia, Apoplexia, paralyti, ac in ceteris huiusmodi particulæ aliquæ fixis. Insuper, quòd *experimentum periculosum, ac iudicium difficile*: quomodo-
cunque sit, Hippocratem in pri. Aph. i. intelligas.
Sed,

Sed, vt melius quæramus, Sarzaparillam magis calidam, ac minus siccam esse, quam lignum Indicum; videndum primum est, quod cū Sarzaparilla nouum sit medicamentum ex Occiduis Indijs, ab Hispanis allatum, testē Fallópio in lib. de morb. gall. ad confirmandam hanc rationem alicuius autoritate, non habemus Authorem magis fidum, quam Nicolaum Monardionē Hispalensem, qui optime, secundum Hispanearum, atque Indorum communem sententiā ex pluribus experimētis erectam esse scripsit. Inquit enim iste Autor, Sarzaparillam calidam, ac siccam esse quasi in secundo ordine: Ideo complexionibus calidioribus est detrimentum, & præcipue, si ipsius hepar reperiatur calidius. Hac ratione conficit sirupum, in quo Sarzæ caliditas, ac ligni siccitas contemperatur, in quibus verbis, si optime perpendantur, manifeste affirmare videtur, Sarzaparillam calidiore, ac lignum indum siccius esse, & quamuis sapor insipidus in sarza sine acredine reperiatur, qui frigiditatem arguit, vt superius dictum est, ex Galeno: experientia tamen, quæ est rerum omnium magistra, manifeste contra sentire videtur, quod affirmare oportet sub sarzæ sapore insipido, ac glutinoso, aliquam substantiā acrem, ac subtilem latere, non vt in ligno; propter quam rationem excalfacit, exsiccet, ac sudorem prouocat: ligni Indi siquidem notior gustui amritudo, quæ caliditatem ostendit, vt pars retinosa; attamen cum amarus sapor coniunctus sit cum multa substantia terrestri, lignosa, frigida, ac sicca; mani-

festè effectus videntur magis exsiccando, quam calefaciendo. Et quamuis idem Author, in fine capituli de ligno Indico, dicat, calidum, ac siccum esse in secundo ordine; non propterea sibi contradicit, ubi affirmat Sarzaparillam esse quasi in secundo gradu calidam; si modò quis optime consideret, quod habet Gal. 5. simp. ult. Nam cuiuslibet gradus tres partes assignat, principium scilicet, medium, & finē. Etenim cum inquit Monardes, lignum esse calidum, ac siccū in secundo ordine simpliciter; non sic accipiendum est, ut in qualibet qualitate ad finem secundi ordinis perueniat: propterea quod eius dictum verificari potest, si perueniat ad principium, aut mediū, vel vnius, vel duarum qualitatum. Eodem modo cum dicit, Sarzamparillam esse quasi in secundo gradu calidam, ac siccā; exactius ostendit (& quidem cum Gal.) ad finem, vel vnius, vel aliarum qualitatum non peruenire. Ex quo patet, in verbis ipsius nullam esse contradictionem. Istis igitur piæ cognitæ rationibus, Sarzaparillam calidiorem magis, ac minus siccā, quam guaiacum esse confirmandum.

Quare mihi prorsus videris de genere in aliud transcendere genus, quod *lues gallica aliquando magis à sarzæ decocto castigatur, ac citius eius caliditatis notas producit, quamuis essent ad ista nonnulla dicenda, non vereor: at id euenit, quia luis caliditatem sarzæ corrigit, ac ratione siccitatis magis inuat, ac tenuissimum sit medicamentum, & istis rationibus antepositur guaiaco.* Hoc admodum miror, & non vini potus admi-

nistrationem in febre maligna, & locum Fracastorij à me citatum, in quo non nulli in tali febre meracum propinasse scribit, & ipse quoque non simpliciter negare videtur, inquit, si fieri potest nō detur; Verumtamen, cum in tali febre à nobis proposita fuit aliqua vini albi portio diluti, non ratione morbi conuenire diximus, sed ob virium imbecillitatem, & ex vita ante acta in ægrotante, & nō falsò in medium adduximus, vt dicis, & testis est Nobilissimus, atq; Clarissimus D. Petrus Franciscus Tutus, & alij nonnulli. *Lignum verò noxam inferre*: vt exemplum, ac experimentum à te non vere positum, in Muliere quæ rationabiliter à nobis curabatur, manifestum est, te non legisse Fallopium de morb. gall. 63. & 94. nec alios, in quibus locis Author apertè declarat, quòd lignum medicamentum est maxime regium, & in lue venerea primum locum tenet, & secūdum sarza; & sic non anteponitur Indico ligno, etiamque noxam non infert: et si Mulier à sexta die assumptionis ligni indici decocti, omnes alios dolores mitiores euasisse, & capitis dolorem increuisse, hoc non solum ligni proprium, sed etiam sarzæ, à sexta die, vel octaua assumpti decocti, vsque ad duodecim, vel quindecim dies, & postea quiescunt, si Fallopio lib. de morb. gall. 94. & alijs quibusdam credimus: Ideo inquit Author nunciate hoc, ne scandalo afficiantur ægri. Istis igitur rationibus manifestum tibi fit, quòd non solum ligni, & sarzæ complexionem ignoras, verum etiam luis venereæ essentiã, quemad-

modum cum alijs quoque, non solum morbi naturam, quo Religiosissimus, Nobilissimusque Abbas Tutus corripiebatur, sed etiam ipsum præsagium; quæ omnia à me longa experientia, atque exacto iudicio, tum in natura morbi, tum in præsagio optime vno modo, & alio modo non optime iudicatum fuit. Quibus à te, ac alijs ignoratis, eius Anima festinanter ad Cœlos euolauit, quiescens à laboribus suis. Et hæc ad soluendas tuas vanitates longè sufficiant, & in futuris ad alia argumenta protestando prorsus non esse amplius responsurum.

Datum Senis, tertio nonas Febr. 1593.

Hieronimus Minettus Aretinus.

Fr. Antonius à Liciniano Commissarius Sanctæ Inquisitionis, concedit ut possit imprimi.

Faustus Melarius Vicarius Sen.